



ZAVOD ZA ZAPOSŁJAVANJE BRČKO DISTRIKTA BIH  
ЗАВОД ЗА ЗАПОШЉАВАЊЕ БРЧКО ДИСТРИКТА БИХ  
EMPLOYMENT INSTITUTE OF BRČKO DISTRICT OF BIH

# **P R A V I L N I K**

**O IZMJENAMA PRAVILNIKA O VOĐENJU EVIDENCIJA, AKTIVNOM TRAŽENJU  
ZAPOSLENJA, PRIJAVI I JAVLJANJU LICA NA EVIDENCIJU  
ZAVODA ZA ZAPOSŁJAVANJE BRČKO DISTRIKTA BIH**

**Brčko, jul 2023. godine**



Na osnovu člana 17.tačka a) Zakona o zapošljavanju i pravima za vrijeme nezaposlenosti („Službeni glasnik Brčko distrikta Bosne i Hercegovine“ br.1/23 i 19/23), Upravni odbor Zavoda za zapošljavanje Brčko distrikta BiH, na svojoj Šestoj redovnoj sjednici, održanoj dana 31.07.2023. godine, **donosi**

**PRAVILNIK  
O IZMJENAMA PRAVILNIKA O VOĐENJU EVIDENCIJA, AKTIVNOM TRAŽENJU ZAPOSLENJA, PRIJAVI I  
JAVLJANJU LICA NA EVIDENCIJU ZAVODA ZA ZAPOSŁJAVANJE BRČKO DISTRIKTA BIH**

**Član 1**

U članu 3. Pravilnika o vođenju evidencija, aktivnom traženju zaposlenja, prijavi i javljanju lica na evidenciju Zavoda za zapošljavanje Brčko distrikta BiH (broj: 04-169/23) tačka a) mijenja se i glasi:

a) „nezaposleno lice“ je lice prijavljeno na evidenciju nezaposlenih koju vodi Zavod za zapošljavanje Brčko distrikta BiH, starosti od navršenih 15 do navršenih 65 godina života, sposobno ili ograničeno sposobno za rad, koje nije u radnom odnosu, odnosno za koga poslodavac nema zakonsku obavezu uplate doprinosa za penzijsko osiguranje koje traži zaposlenje i raspoloživo je za rad,

U članu 3. Pravilnika u tački b) riječi „i raspoloživost za rad“ se brišu.

**Član 2**

U članu 8. tačka e) mijenja se i glasi:

e) će dozvoliti korištenje ličnih podataka radi ostvarivanja prava po osnovu prijave na evidenciju Zavoda, odnosno da je saglasan sa prikupljanjem, čuvanjem i objavljivanjem ličnih podataka i dokumenata od strane Zavoda u bilo koje svrhe u vezi sa informisanjem, savjetovanjem, traženjem posla i zapošljavanjem, uključujući i prosljeđivanje podataka poslodavcima.

**Član 3**

U članu 9. tačka d) mijenja se i glasi:

d) učestvuje u procesima profesionalnog usmjeravanja i

**Član 4**

U članu 13. stav (1) mijenja se i glasi:

(1) Nezaposleno lice sa evidencije Zavoda dužno se Zavodu javljati svakih 30 dana, a zaposleno lice koje traži promjenu zaposlenja svakih 90 dana.

**Član 5**

Član 19. mijenja se i glasi:

**Član 19.**

**(Prestanak vođenja evidencije o licima)**



(1) U evidenciji Zavoda prestaje da se vodi lice:

- a) koje se odjavi iz evidencije;
- b) koje zasnuje radni odnos;
- c) koje samostalno ili s drugim licem osnuje pravno lice ili postane preduzetnik;
- d) koje registruje poljoprivredno gazdinstvo, a koje ostvaruje podsticaj u poljoprivrednoj proizvodnji veći od deset hiljada konvertibilnih maraka;
- e) koje stekne status učenika ili redovnog studenta;
- f) koje stekne uslove za ostvarivanje prava na starosnu, invalidsku penziju, prijevremenu penziju ili ostvari pravo na porodičnu penziju;
- g) koje postane potpuno nesposobno za rad;
- h) koje navrší 65 godina života;
- i) kojem se i s p l a t i novčana naknada u jednokratnom iznosu;
- j) koje se ne javi Zavodu u rokovima utvrđenim u članu 13. Pravilnika i ne obavijesti Zavod o opravdanim razlozima nejavljanja u roku od petnaest dana od dana prestanka tih razloga;
- k) koje stupi na izdržavanje kazne zatvora, mjere bezbjednosti, zaštitne ili vaspitne mjere, u trajanju dužem od tri mjeseca;
- l) koje se bez opravdanog razloga ne odazove na poziv Zavoda ili drugog nadležnog organa radi angažovanja na javnim radovima i na otklanjanju posljedica više sile;
- m) koje neopravdano odbije da prihvati ponuđeno zaposlenje u Distriktu koje odgovara njegovim stručnim kvalifikacijama i radnim sposobnostima,
- n) koje neopravdano odbije da se na zahtjev Zavoda stručno osposobi, dokvalifikuje ili prekvalifikuje za zanimanje koje odgovara stepenu njegove stručne spreme ili ako svojom krivicom isto prekine;
- o) koje neopravdano odbije da se odazove na poziv Zavoda radi informisanja o mogućnostima zaposlenja;
- p) za koje se utvrdi da je prava iz članova 53 i 62 Zakona ostvario na osnovu neistinitih podataka ili na osnovu falsifikovanih isprava, te da je Zavodu dao lažne telefonske brojeve i kontakt adrese;
- q) za koje se utvrdi da radi, odnosno obavlja samostalnu cjelatnost bez prijave na osiguranje, što se utvrđuje na osnovu pisanog izvještaja nadležne inspekcije;
- r) kojem prestane odobrenje za stalni ili privremeni boravak strancu ili licu bez državljanstva;
- s) koje umre.

(2) Lice o kojem je Zavod prestao voditi evidenciju iz razloga navedenog u stavu (1) tačke a), j) i r) ovog člana ne može se tri mjeseca nakon prestanka vođenja na evidenciji nezaposlenih lica ponovo prijaviti Zavodu.

(3) Lice o kojem je Zavod prestao voditi evidenciju iz razloga navedenog u stavu (1) tačke l), m), n), o), p) i q) ovog člana ne može se šest mjeseci nakon prestanka vođenja na evidenciji nezaposlenih lica ponovo prijaviti Zavodu.

(4) Pod opravdanim razlozima iz stava (1) ovog člana smatra se:

- a) zdravstvena nesposobnost nezaposlenog lica;
- b) bolest i njega djeteta starosti do sedam godina;
- c) smrt člana uže porodice;
- d) elementarne nepogode.



ZAVOD ZA ZAPOSŁJAVANJE BRČKO DISTRIKTA BIH  
ЗАВОД ЗА ЗАПОШЉАВАЊЕ БРЧКО ДИСТРИКТА БИХ  
EMPLOYMENT INSTITUTE OF BRČKO DISTRICT OF BIH

📍 Fra Šimuna Filipovića br. 2,  
76100, Brčko distrikt BiH  
☎️ 049 217 411  
📠 049 217 412

📍 Фра Шимуна Филиповића бр. 2,  
76100, Брчко дистрикт БиХ  
🌐 www.zzzbrcko.org  
✉️ info@zzzbrcko.org

(5) Činjenice iz stava (4) ovog člana nezaposleno lice dokazuje medicinskom dokumentacijom i izvodima iz matičnih knjiga.

## Član 6

Ovaj Pravilnik stupa na snagu danom donošenja odluke Vlade Brčko distrikta BiH o davanju saglasnosti na isti i objaviće se na oglasnoj tabli i web stranici Zavoda za zapošljavanje Brčko distrikta BiH.



PREDSJEDNIK UPRAVNOG ODBORA

(Ljilja Goričkić, dipl.oec)

Broj: 04- 1378-2 /23  
Brčko, 01.08.2023. godine